

М.С. Семяшкин

Ар бара қыстың түяс вымысь кор...



Сыктывкар 2007

МБУК "Ижемская МБС"

Семяшкін
М. С. Семяшкін

М.С. Семяшкин

Ар бара қисътö пуюс вылысъ кор...

Сыктывкар 2007

Семяшкин М.С. Ар бара кисътö пуюс вылысь кор...: кывбур чукбр. – Сыктывкар, 2007. – 36 с.

Тайё кывбуркудсö шонъянöй Михаил Семяшкин дасьтылöма школалын коми кыв велöдигас. Сэтчö бöййома гижöдъяс, кутшöмъяс вöлi йöзöдлöма Изьва районаса «Новый Север» газет лист бокъясын, «Войывив кодзув» да «Би кинь» журнальясын, «Коми му» да «Йöлöга» газетъясын.

Кывбуръяасав автор кыпыда серпасалö войывивса вöр-ва, уджач, енбия войтырös.

Водзкыв



«Ар бара кисьтö пуяс вылысь кор» кывбуркуд гижысыс – Михаил Степанович Семяшкин (1941-2007) – чужлёма Усвавомын (Усть-Уса сиктын, Уса районын).

Сылён батыыс Айму вöсна ыджыд тышын усулыма Ленинград кардоригён.

Мамыс öтнас сувтöдöма кок йылöwit ныла-пиаöс.

Та йылыс автор юörtö «Кор мада чужанинö вол» кывбурын:

Вит чоя-воклон съёлём доймё:

Войнаыс гуси айлыс нюм.

Мам öтнас кыскис съёкыд додьсö.

Норасыны йöзлы ээ кут дум.

1959-1963 воясö Миша Семяшкин велöдчö «Почёт Знак» ордена Коми пединститутын, история да филология велöдчан факультетын. Институт помалём бöрас сийös мöдöдöны уджавны Изыва района Няшабожö – шёр школалын коми да роç кыв велöдьсöйн.

Тайö школаас сийö уджалöна нелямын сайö во, пестöма велöдчыссяс вежёрö чужан кыв дïнö муслун.

Сылён челядьыс – Александр да Анна – батьныс кок туйö жö тувчёмайс: велöдчомаöс Сыктывкарса университетын, финн-йöгра факультетын, öнä уджалöны Изыва района школаясын, коми кыв велöдöны, Александр гижö диссертация коми поэзия йылыс.

Кыдзи республикаса школаясын нималана велöдьссяс: В. Крюков (Кослан сикт, Удора район), С.Л. Куликов, З.В. Шиликова (Шойнаты сикт, Кörткерöс район), А.И. Некрасов-Гамса (Гам сикт, Емдïн район), К.С. Сердитов (Абъячой сикт, Луздор район), Н.В. Вокуева (Мошьюга сикт, Изыва район), Г.А. Семяшкина (Петрунь сикт, Инта район) да мукöд, – сиджö и Михаил Степанович школалын литература кружок нүöдïгъясö ээ сёмын ышöд велöдчыссяссо кывбур-вист гижöмö, но и ачыс тшöтш кутчысис тэчны кывбуръяс да сыыланкывъяс. Найös тшöкыда йöзöдлিসны Изыва района да республикаса газет-журналын, лыддывлïсны и радиоын и телевидениеын.

«Ар бара кисьтö пуяс вылысь кор» небöгас Михаил Семяшкин тэчö син водзö сувтана серпасьсяс войвыв вор-валыс, чужан мусын олыссяссыс.

Кывбуръясас автор любöпрырыс вöдитчö художествоа тропъясöн, мичкывъясöн, йöзкост поэзиясис босытöм зумыд кывтэчассясöн, öткодялёмъясöн. Изыва сёрнилсис аслыссиаслунсö пасйöм могись.

автор пыртö сылы лöсялана грамматической вариантыя: «Вöр-ва ловлы сьёкта овсöй» (съёкыда пыдди), «Ыркыд пöльтö еждöм тысянь» (едждöм пыдди), «Оз сулавсыы сэк вöччысöма пулы» (вöччöм пыдди)...

Автор повтöг вöдитчö неологизмъясöн, кодъяс съёкыдакодь пырёны öнäя гижöда да вомгора кывыйö: косму тöльсö – апрель, Айму – чужан му, мада – муса...

Гижись виччысöтöма содтö вежöртас лыдсö «сöдз» мичкывлыс:

Сöдз дöва нимсö помтöдз нуис,

Дыр виччысис: верöс воас бöр.

Съёкыд, курыйд дöва ним пыдди поэт шуб сöдз дöва ним.

Тайён сïйö выль боксянъ кыпöдö верöстöг кольём аньлысъ мам нимсö – тöдчöдö челяндöсъ быдтöмö сылысъ став вын-эбöс веськöдöмсö.

«Ар бара кисьтö пусь вылысъ кор» кывбуркуд – аслыссикас казтыланпас кадысъ водз миянысъ мунöм Семяшкин Михайл Степановичлы, коди ньоти падъяvtöг сетic ассыс олöмсö чужан кыв велöдöмлы, сïйöс сöвмöдöмлы, быдмысъ войтыр вежöрö коми кыв дïнö муссö.

Тайö ичöтик кывбуркудыйис аддзас ассыс лыддысöс школавын уджалысъяс пыссы, велöдчысъяс пыссы. Сïйö кыскас пельсадьсö быдöнлысъ, коди радейтö коми йöзöс, сылысъ кывсö, оласногсö, чужан муссö.

Е.Игушев

2.08.07.

Моз тöльсö, 2 лун, 2007 во

Ар бара кис्यтö пуяс вылысь кор,
А съёлём шогсъё, тïпкём сылён.нор,
Оз юргы вёрин гажа лэбач гор.
И юным раммис, оз сет кыв ни гор.
Бёр гожём таво, шуисны, оз ло,
Кассян пё бансö гугён вёчес, но
Поводдя пуксис мича: зэр ээ во,
Яр шондi нюмдö сёдза, том ныв ног.
Тун киён арыс лёдö зарни кор,
Кок улö тэчö шебрас (кёть ог кор),
Код уна сикас рёма – пом ни дор, –
А дэирдис сылён синмёс оз нин ёр.
Ох, небыд вольпась дасьтiс вёр-ва мен,
Ме кёсъя пöttöдз пурткасыны сэн,
А съёлём кёсийём некод нин оз вен,
Мед кыпыд руыс вуджас тшётш, ёрт, тэн!



Вогёйрся радлун кылём...

Арся раскын

Печора весьтын джууджыд нёрыс эм,
Сы морёс вылын пуяс, быттьё нывъяс,
Ас кадö шудсö виччысыёны сэн,
И дасьёссть ставлы восьтны лышкыд сывъяс.

Водз арын танi пансывлывлö бал,
Кор чим гёрд платтьё пасьтавлывлö пельсь,
Тун зарниавлö кызд пулысь быд чаль,
Тан ловнас шойччö том и пёрысь ветльсь.

Тшак-вотёс дукён öвтö матыс вёр,
Сёдз сынöд пöttöдз ловтö тыртö, кутö,
Век онöдз кылö раслён чёссыд кёр,
Оз некод некор арся серпас вунöд!

Ок лёссыд танi, шондi нюмдö кор
И койё пось, но сёрмём гожся югёр,
Лёнь раскыс югдö, радлö дзик быд кор,
Кёть тёдö: регыд торийдчес ас пукöд!

Кор пöльыштлас друг вильшасьсь лун тöв,
Оз сувавсы сэк вöччысьюма пулы,
Виж корнас шпоргиг, йöктö, кисьтö «сьюм»,
Кок уло вольпась тэчö – позьё узыны!

Гöрд ыргён коръянсаныс пусь дыр
Тöв улын ластитчöны öта-мöдкöд
Да шöпкöдчöны, ас ног шензигтыр,
Морт сьёлём тайö дивöй кыдз оз вöрзьбд!

Шань, мелі раскöй, долыд меным тан,
Ме быттьö томлунöйкöд паныдаси вылысь
И аттьёала тэнö, шондïбан,
Мый видзан гуся сёрни том ныв-зонлысь.

Печора весьтын джуджыд нöрыс эм,
Код морöс вылын пусь, быттьö нывъяс,
Жар помтöм муслун чужтöны тан нэм
И козьналöны мыла сыланкывъяс...

Катшасинъяс

Катшасинъяс, тi луд вылын бара
Синнад ворсанныд кыдз вилышпоз,
Быттьö нывъяс нюмъяланныд яра,
Чösмасьыштны коранныд му оз.
Войыв иёзлы тi зэв дона, мелі,
Уна сыланкывын медся шань,
Кутшöм мастер мичлун тiян сетiс?
Муслун миян сьёлмын оз ям!
Сьёмстö сюсь мазi сяма ийтiс,
Пытшас кисьтiс видзвыв чöскыд ма,
Черань – мам нюзд шöртöн дорсö кыис...
Юй асья рулусь вежа ва!
Льём пу дзоридзсö ён тöлlys кöдзис –
Тiян синлысъяс лым еджыд дзик...
Öнi чужёмбан ок лои лöссыд,
Пыддиpunktö кар, быд грезд и сикт.

* * *

Бара со турияс лунвылō лэбёны,
Нора сізд тивгöны: лолыд оз шед,
Морёсын жалядза шыяссö лэптöны,
Кольёма кадсö ог вунёддöй мед.
Арся шань пöрыс лышкыд дзик быдёнöдз,
Дыш песысь сёмын тöв подсö оз вудж,
Тавося нывбаба гожёмыс тырвыйö
Озырлун дасытс – ки сосъястö пудж!
Лов пытшкысь, кажитчö, медмуса жбыркнитс:
Мыжыс съёлёмös майшöдларь ар,
Тадзи жö мам-шондi ми дорысь «пышыйштс»,
Вежёрыс ёнёдз век колана, яр.
Тадз пароходлён сöдз арся шог тутсöмыс
Талун на пальёдлö мейн ёсь дой,
Торйёдчöм вёвлi кызд ловъя бур другъяскöд,
Аддзыысöм вичмылiс – збыльмом шуд майд.
Вёр-ваным пасытсом: том нывка моз яндысьö,
Виччысö эзыся кышёдсö – чёв,
Войпель со ии рубн лопыштс, матыссö,
Бытьё пось страднаус эз на и вёв.



Арся серлас

Вый вийёдö тавося арыс,
И югзö со гортдорса сад,
Быд съёлёмлён медгажа кадыс,
Кор тёдлытöг вошлö юр садь.
Яр билур моз ыпъялö пельс,
Код ыргён кодь шыблалö кор,
Дай шебралiг кокулös менсыым,
Рад мыччины чёсмасяント.
Том ныв сяма кызд пүис орчён,
Тыр шемёсён вörзьёдлö лов,
Майд зарниа паськёмыс «сотчö»,
И мелiджык вöччöм оз ков.
Шань нывбаба гожём, кызд сыылан,
Быд морёсын чужтö енби,
А сюран кё яр мичлы сывъяс,
Жаль вёр-валы лёксö он си!



Ме кё вёлі...

Ме кё-вёлі том кыдза сук раскён,
Кор сэн вежёдö, ловзьё быд пу,
Тувсов шондýыс ворсо яр гажён –
Уна висьомлысь разёді ру.
Кыдзлён югыдвих бурдёдан коръяс
Кынмём вир-яйысь кыскёны дой,
Көсъян небзьёдны морёс, кор чорзяс,
Лелькуйт съёлёмсян менё лун-вой.
Тэ кё нёрпалан, лы-съомыд висьё,
Гожся удж бёрын ныылёдлан кор,
Кыдз пым коросыд пывсянын писькёс:
Ловтö томмёдас, водзёс оз кор!
Код оз радей рам кыдзылысь гарсо?
Пётка чосмасьё, весигтö морт,
Висьлёс вёрк пытшкысь лэдзны мед жарсо,
Юё гар вылын сулёдёмтор.
Авъя вёралысь кыдз тшактö ёктic,
Медым гырк пытшкыс сылён ээ вись,
Векджык пакула юлывны тшёктic,
Мед кё нюжёдны олёмлысь визь.
Кыдз пу зарава вийодліс коми,
Войывив пармалы лёксё ээ кер,
Ачыс бурдёдчис, вынсяліс, томмис,
Шань пу мичаммис, ээ тай ло нэр.
Вёрса пу пысыс кыдзыс медколан,
Татшом растьястö рёдмёдёй век,
Мый ми дырджык сөзд свет вылас олам,
Сымда дzonьвидза колянныд сэк!

(О. О. 146)

Кольём во арыс вёлі кузь, нюжмасысь, лымыйс унасыс усьлі,
сиктъясын быри турун, пес, а Печора юыс век на восьса синма...

Сёр арын

Мыйла, арой, сёргин мунны?
Пёра тэныд унмё сунны,
Чужём нюмтём, синва пычкан,
Кор жё тёвлы китё мыччан?
Ягыс пасьтём, яндзим босьтö,
Шутълялёт со тёв пу костёд,
Юыс синсо ээ на кунлы,

Сиктса йёзлён са съод думъяс...
Виччысыоны ю выв туйяс,
Кор нин сывтём лымыйс усяс...
Пес ни турун гортын абу,
Лок вай, тёлбай, козьнав радлун.
Таво асныралö арыс,
Туйсö тёвлы оз сет ассыс,
Сиктса рёспутасö ёрö,
Йиысь посьяс тёвлысь корö.



Тёвшёрсавойын

Тёлыся, кодзула серпасыс дыр кежлö
Пöсө гажён морёсад ииджтысьё сидз,
Меын кöть, тэын кöть – ловшытö шызьёдлö,
Сöмын ас енбитö сöстöмён видз.

Бисер кодь кодзуувъяс пыдёстём енэжын
Еджговлöz синъяссö восьтöны кор,
Бытьёкö долыдлун му вылö резöны,
Съёлёмным радлö и оз овлы нор.

Тёвся сэзь войясо югыд дзиик лунын кодь,
Би киняяс сяякйоны му вылö майд,
Кöдзыд вой кыалён мичлуныс вунлытöм,
Лов вылын кокни сэк, вошлывлö дой.

Кельыдлöz югörъяс юр весьтын ворсöны,
Вывсянныс койёны син ёран дзиирд,
Кажитчö, падмысьюс ми костысь корсöёны,
Чохёны шемёс, мед вörзьёдны вир.

Вой кыа пöртмасьё долёдан рёмъясён,
Мичмёдö эззысьён кыёма сер,
Енвеевтыс гыалö яръюгыд вонъясён.
Бурджыка баситём морт ки оз кер.

Гашкö, волшебник тадз öзталö бияссö,
Матыстö вой баллышь урчитём кад,
Гыора пуясыс лэптöны киньсö:
«Ярдыхыка ыпъяв вай, киняслён чард!»



Төвсія вёрлён серлас

Эзсыс прёшвиён эжсьома ворыс,
Мойд кодь сулало мича да шань,
Сійс меліа окавлө тёлыс,
Кыздзи радейтлө ныыв-писо мам.

Овлө, көдзыдыс поткодчо гора,
Съёлём томмёдлө, содтывлө вын;
Йоймом туробыс омлялө кор нин,
Лолыд топавлө, пытшкосьыд кын...

Төвсія Пармасыс ичотсянь дона,
Öшка-мёшқа моз чуймёдлө век,
Быттьё Войпельыс, радейтіг ёна,
Еджыд шабурсо козынавлө сэк.

Лымайыс чужтёма вёвлытём мичлун;
Гёгр лёдёма гыёра моль,
Тайё кадсө кызд шудёс ме вичча,
Медым тёдлытог сысыс оғ коль.

Төлён гартёма лым чиръяс усиг
Синтё ёрана кыёны сер.
Еджыд «дзоридзяяс» нюомдёны гусьон:
Оз-б виччысыны ловва кодь зэр?

Тайё төвшөрса кадыс кызд сылан,
Песто мороысын куслытём би,
Быттьё вётын рам вичкоё пыран
Ловнад шойчыны – Пармалён пи.

Тані сынодыс ма кодь жо чоскыд,
Кодос апаліг лолыд оз пёт;
Мортлы мөвпъяснас лэбавны лосьыд;
Съёлём некутшом висьом оз тёд;
Горд кын съёмёса шондіыс нёрө,
Лозов енэжыс съоктаммө друг,
Войпель, вёр-васо баййодліг, коро:
«Медым узыышто – пемыдыс сук».

— 6 —

Лэбалыс мен медся жаль

Мыйла мыжа моз, шондій, сувтін,
Гордён пörtмасьё чужомыд сізд?
Дерт, водз асывнас чоскыда узин,
Мед эз кельдёд пось биыдлон мич.

Садымö тёвшёрса ойбыртысь вöрыс,
Нюмдö мойдын кодь гыёра кызд.
Ловьзö вашкёдчиг вильышпоз тёвру,
Пöльтö лым буссö – синъястö видз.

Еджыд кышёдён эжсёома ягыс,
Лымыс пяяслысь шонтö быд чаль.
Чужан Пармалён зэв сьёкыд кадö
Лэбалысь лолыс мен медся жаль!

Танi вежёрой нимкодыла югдö,
Сёстом сынёдыс томмёдлö лов,
Помтём кыпыдлун öзтана здукö
Менам сьёлёмлы бурджык оз ков.

Синтö восьтылiн, шондiбан, кунин,
Тöвся луныс кöч бёж кузта дзик,
Мелi нюмнад тэ вör-валы мусмин,
Сюся сылысь сöдз мёвпьяссö видз.

Парма вöталö: воём водз тулыс,
Шондi вылын нин, вежодö видз,
Жарён онялö, ловзö шань мусыс,
Гёгöр гыалö син ёран мич.

Дэриyd шондiй, долыдлун-бордий,
Кор нин сывдан кын вör-валысь шы?
Кузь, дыр кадколаст виччысян ёртöй,
Сьёлём ломзёбдны регыдджык лок!



Бырдяяс со ляпкалöны, кышёд
Налён кытсюрö вöсни, слаб,
Тола лымва туйяс мыськё-кырö,
Öддзö, шорён бузгö – мортлы нальк.

Ыбъяс вылын öзим мусыс ловзö,
Чужё ии ув петас турунвиж,
Лымсö пыркнитiс лыс вывсыыс пожём,
Сывдö-шонтö кынмалыштöм мыш.

Увтас раслон гегдöм кокыс вавын,
Кор нин косьмас ластавывса му!
Шондi ваяс зарни борда асыв,
Сийö пальёдас быд турдöм пу.



* * *

Лымсö йикöд кörт моз дорлö
Асывъяснас кöдзыд-дед,
Луннас йисыръяс вевт дорын
Синва кисьтöны – оз весь.

Пышкай чукöр радлö, ворсö,
Пуяс йылын лэптö гаж,
Лымва тола улысь корсьö
Петан туйлысь колан пас.

Войт-ва тёжда шыяс улын
Лёзов енэжын сэн друг
Тёвъяс горён сылём юргис:
«Локтö тулыс – мулён шуд».

Тёв мед войяснас век дурö,
Шондï нюмдö мудерног,
Тöльс чарёмнас кöть дзуртö –
Том шань тулыс оз тöд шог!



* * *

Кор öкмысöд май луныс волö,
Быд керкаын пасиöны гаж,
Война кадся орденъяс повтöг,
Салдат, пасытав – збойлунлысь пас.

Мед правнукид тэ кыын ворсïг,
Век юасьö, аддзö, мый дед
Герой нимсö ас кинас дорлïс,
Шань Аймусö враглы эз сет.



Тулыс локтö

Тёв туй кыскö горув,
Овлö зэв на скöр,
Жебмö ышман горыс,
Выныс оз сод бöр.

Луннас кöдзыд пышайö,
Корсьö дзебсянин.
Öдва ловсö кыскö,
Дзебö мудер син.

Төв со бёрё кольё,
(Челядьлы, ок, жаль).
Бадылён гарыйс ловзьё, .
Синмассьё быд чаль.

Ягыс радлё, югзьё,
Ставлы ыстö нюом,
Кыпыйд ловнас юксьё:
«Пуксис тувсов лун»!

Лунсо шонді нюлёт.
Сыылысь пыста збой,
Лымва шорён тювгё,
Морёс пытшкад мойд.



Видзё пыран лунё гаж

Кор тувсовъя ывла оз узылы,
Дай чёссыдён öвтö быд пу,
Шуд любёджык мортлы оз усылы
И керкаб кокыд оз ну.

Вый виялан луныс кор шызыё,
Лöz лента моз лёсталё ю,
Сэк сиктса веж видзё дась пырны
И ошкыны войывын ас му.

Тан, Няша берд ласталён отын,
Ярыд вояся гыалё гаж,
Оз пукавсыы некодлы гортын:
Од праздникис грэздыс кодь важ.

Водз вежёдысь луд вылын радлун,
Кён гожёмсö виччысью видз,
Оз помась мед мелі, бур кадыс,
Кор муслун друг ыпнитлö сізд!

Збой гудёк шы чуксалё сывны,
Мед долыдлун содё, оз чин,
Со страдналён локтёмыс кылё,
Код нимкодьсыыс оз аддзы ин.

Тан кытшъясён ветлёны аньяс,
И на пыын унджыкыс том,
Зэв лёссыда вöччомны бабъяс –
Юр гажыслысь тёдёны дон.

Жаль изъватаас пасъкомлён рёмыс
Вой кыа моз пörtмасьё дзик,
И югыдджык мичсо оз кёсйы
Мам-Печора дорса быд сикт.

Выль шёвк видзё пыран шань лунё
Став олысылён кыпавлёр лов,
Сёдз ма кёра здуксо оз вунёд
И нимёдны ылёдз оз пов!



Сёрмём тулыс

Таво тулыс дыша ловзьё:
Косму тёлсыс – «Ыджыд лун».
Вёр-ва ловлы съёкта овсью,
Чарём из кодь – оз шед ун.

Еджыд тошка тёв-пёль дурё,
Пёльтё-вундё чизыр тёв,
Шонді оз дзеб зарни юрсю,
Дзиринас ворсю, нюмдё чёв.

Кыпыд «Югыд вежён» воссью,
Ывлла долыдлунён тыр,
Радлё-сыытё: «Ен пи ловзьём!»,
Шоныд бордъясяс дзик пыр...

Тёв оз сетчи: турёб вугзис.
Ывлла вежсис: син ни пель,
Скёрсис тёлпес звер моз увгис,
Лун тёв мездіс – вайис зэр.

Наян дзор пёль синва пычкис,
Лымсо нуис шоныд ру,
Рёдтысис тулыс ванас мыссис,
Чужом вылас ломзис шуд!



Гожся мёвпъяс

Лысва усьё – коса триньгё,
Турун сё «лэчтё» пиньсё,
Водзвыв дзоридз куньё синсё,
Мед оз аддзыив усяннисё.

Үркүд пöльтö еждöм тысянь,
Лысва ваён пöттöдз мыссян,
Ок и лöссыд морöс кудыйн:
Биа кыа ловзьё-югдö!

Асыввилыс нюмдö-воссöö,
Лысва öдйö пышйö-косьмö.
Менö коса гортö корö,
Ки-кок уджись ёнтö-орö...

Ёна, сьöкыда кор мудзан,
Небось чöссыд унмöн узян..!
Гожся луныс во быд вердö,
Зэр оз дöзмöд – уджтö тэрмöд!



Ме кö вöлi...

Ме кö вöлi веж турона виддöн,
Эськö козьналi вöвлытöм мич,
Дзоридз кörсö быд повъялы видзи,
Ма көдь сынöднас чöсмöдi сiдз!

Рытнас синва көдь лысваён мысси,
Медым, косанад ытшкиг, эн мудз,
Тэ кö уджач, ме кокнилун мыччи,
А то шондöдз выныд оз судз.

Сьöлöм пöттöдз ме уджöда ставсö,
Кодлон киас сиктлön олёмлön вуж, –
Код оз вошты ас рöдислысь пассö:
Мортыд мöдись öд чужны оз куж.



Муслун...

Муса гöтырлы (сьöлöм жальöй...)

Орчён восьлалам, донаöй, тэкöд
Комын сайö нин зэв шуда во,
Радлун козынавлан,

Сьöкыдыс шедлö...
Важ моз быдёнöдз лышкыдöн ло!

Тэысь мусаыс свет вылас абу,
Пыддиpunktöны бöрысь и том,
Вöччы тувсовъя кыдз моз вай талун,
Олём тшупöдлысь тöдан öд дон.

Лёзов енэж кодь синъясыд шаньёсъ,
Нын гажыс мед содё, оз чин,
Аслад ныв-пыйд,

Рёдвужыд дасьёсь
Отув олёмлысь шонтыны ин.

Кор тэ видзёдлан – гёгёрбок югдо,
Кывтö шуан кö – дырён он вун,
Лёкыс тэ дïнын йирнысö дугдо,
Чүктö долыдлун тэнад пым нюм.

Асъя кыакöд садьман тэ öтвыв,
Коди портмасьё чужомад век,
Кужан радейтны крепыда, öтпыр,
Тöв ныр муслунтö некор оз чег.

Сибыд, енбия, сямлуннад озыр,
Зарни кияссыд петö быдтор,
Тэнö радейтö быдтаслон котыр,
Накöд ийтöдис помöдз оз ор.

Лöнь кор керкаын – овсöй кызд райын,
Чöвсö кутöмын тэнад бур пай,
Видзан горт ладсö, кокни ру ваян,
Он пов тöждъясысь, он корсылы сай.

Кылан: сьёлёмой тiпкö кызд томдыр,
Кор тэ мë дорын – мелi и збой –
Быттö мыш сайын быдмывлö бордтор,
Корö шогсö не тöдны, ни дой..

Менам ловбиой ийтчома тэкöд,
Ола тэ иылысь думён лун-вой,
Мунан туйным мед лоас пыр веськыд,
Югыд кöсиймним збыльмас кызд майд!



* * *

Том нывлён сьёлёмыс долыдсыс сывлывлö,
Лöнь кöка войясö оз аддзыв ин,
Сöдз лолыс нимкодя, радпрысь сывлывлö,
Енэж кодь яр лöзнас ворслывлö син.

Гаж лэптысь томлуныд медым оз помасьлы,
Мусуктö радейтöм ломзьö, оз кус,
Наянлы, лежнöг моз сутшласиг, водзась тэ,
Бур зонкбöд мелi кад лоас мед кузь.

Збой бордъя шондібан-томлуной, чужты вай
Юмов тусь морёсын муслунлысь би,
Радейтысь съёлёмын жарыс оз куслы мед,
Майшасьёмторыйыслысь сывдас мед ий.

Луньюгыд войыс кор съёлём шёр биавлө,
Свет вылас шудаджык нылыс оз сюр,
Пельк бордъя тёвруыс пытшас оз личавлы,
Медводдза муслуныс кольмодлө юр.

Юр вежёр бергёдлө тувсовъя сынёдыс,
Зон съёлём косытысылысь ышёдлө лов,
Озъяна морёсын олём гаж кыпёдлө
Ойдана ытва моз ѡддзём любов.



* * *

Мыйла нё муслунё ытва моз ойдлывлө,
Оз аддзы колана ин?
Мыйла нё съёлёмө чоскыда доймывлө,
Майшасьём содё, оз чин?

Водз ышмысъ тулыслён шань, муса шыясыс
Чужтёны радейтчом би,
Син ёран сыръяён вёччома нывъясыс
Торклёны лов руюс дзик.

Талун и шондіыс долыда кыпёдчө,
Мам кодь пось нюма пыр,
Югъёдө мөвпъяссо, бур вылө ышёдö,
Морёс куд радлунён тыр.

Мыйла нё морёсын ёзйо тадз муслуной?
Мыжыас изъваса ныв,
Кор шуда асыв моз меліа нюммунлө,
Кызд нё ме шудсым от сыв?!



* * *

Крут нёрыс-поз, кёні ми тэкод
Том каднымлысь вунёдлім ёд,
Сөдз енбиёс ёнёдз на пестб,
Мёд мусаджыкинб от тёд.

Гёрд кыаыс кусны сәк пондіс,
Лөнү вör-валы козыналыс ун,
Кызд съёлёмөс косытысьой воис,
Ме лов пытшкө поэтысис лун.

Шань зарниён мавтöма нöрыс
Тшötш миянлы ыстic пöсy нюм.
Ок чöссыд креж озыслöн кöрыс,
Юр кольмöдан дукис оз вун!

Руд енэжкис ми вылö лæччис,
А улынджык сёльöдчис ёль,
Кор вом дорöс юммöдин, сэки
Друг полёмным пышайис, эз коль.

Кöть гортланьё туйыс зэв векни,
Но пемыдас эг вошлöй ми,
И ыпъялысь муслунным век жö
Пым ырзьöдлis морöсын би.

Кор, оз туcьбой, локтöмтö кывлi,
Пыр быттöкö бордъясылi ме,
И тэ йылысь сыланкыv сыывлi,
Мый шондiбан-оломой тэ.



Мед муслун оз бырлы

Гöтырлы

Томдырся муслунён öзъяна вояс
Нэм чöжыд съёлёмад чужтöны би,
Дзоридз кодь медводдза радейтöм коляс,
Виччысytöм кöдзыдлун сийöс оз ви.

Сэкся сöдз енэж кодь синъясыд öнi
Мелiа, майдын моз нюмдöны мен,
Важ моз на вöзйöны долыдсö сöмын,
Кодi эз помасьлы, видзö на Ен.

Мöвпъясыд югыдöсь, сэзь асыв кодьöсь,
Съёлёмыд лышкыд кызд бур арся му,
Пельклуна киясыд кужысъöсь, томöсь,
Ставлы пыр колана, мöд ног он шу.

Окота меным, мед лоан век шуда,
Некор ни шогсö, ни дойсö он тöд,
Съёкыдсö венны ми öтвылысь кутам,
Тэысь öд сюсъджыкыс оз ков мен мöд.

Көсъя ме сус пу кодь крепыдён лоны,
Винёвон ло вай тэ кыдзи льём пу,
Лёкысь ме сайода, нинём тэн повны,
Мустомыс миянос сэки оз су.

Кыдзи ме мёда, мед муслун оз бырлы,
Отувъя кёсийомсо нинём оз вен,
Ордымным миян сук раскён оз тыр на,
Съёлomyд томмё мед, тіпкё кузь нэм!



* * *

Мыйла нё шызыома ывла,
Кылыда радлø сізд лов?
Быд аньлон съёлomyс съыло,
Долыдлун дзебны оз ков!

Нывбаба праздник ёд тапун,
Сылomынис ойдö, он кут.
Мадаяс чужомын радлун,
Ярьюгыд, вёвлытöм шуд!

Нюмъялысь шондia луныс,
Мам кодь дзик, мелi да шань.
Козыналö палялöм тулыс
Ныв-аньлы вербалысь чаль.

Водз ышмём пёралён мичлун,
Кыдзи луд дзоридзлён син,
Став дона ичмонылы вичмас,
Олан ру содас, оз чин.

Шовк түгкөд орчён мед олö
Ловбисö ырзьёдысь ёрт.
Ытва моз муслун мед волö,
Челядьён озырмö горт!



Би кинъяс...

Мед тэ, пиё, мортён лоин

Шёйовошём тэнё мед оз сулы,
Мед оз куслы сьёлёмбердса би,
Кызы вит арёс тыртан мелі луныд,
Койё нюмсö, радлö тэныд, пи!

Ло пыр восьса йозёдз, ставлы колё
Тэнад пым да лышкыд морёс куд,
Сэн мед ыджыд сямыд-тёждыд олö,
Сэк, дерт, югзяс водзын помтём шуд.

Ок кызд кёсъя, мед тэ мортён лоин,
Мывкыд тырмис: эн вöч мёдлы дой,
Отсöг ковмис – медым пыр жö воин,
Лексö вештис тэнад вына сой!

Ме ог мёд, мед кусынъ бадь кодь вёлин,
Тшапён вöвсы, вежавидза ло,
Ассыд донтö, пиё, мед тэ тёдин,
Сомын этшись петны дзик оз ков.

Мед сöдз нюмыд некор оз нин чусмы,
Мог кё пунктин – кутчысь помёдз сэк,
Эз öд прёста югыд кёсйём мусмы,
Эска: тёвныр суас – тэ он чег.

Тэнад сьёлём кыскö чужанинад,
Гортлань туыйд чой бёр нүö пыр,
Ок и гажа овсьё ай-мам динад,
Кён син водзад ловзьё челяядьдыр!

Мамлон пёжас тэныд век медчоскыд,
Гортса сынёд апан, быттьё ма,
Весиг быдман керка овлö дзескыд,
Дыр кор он вöв, гортыд – шондïбан!

Шёйовошём тэнё мед оз сулы,
Мед оз куслы сьёлёмбердса би,
Кызы вит арёс тыртан мелі луныд,
Койё нюмсö, радлö тэныд, пи!



Дас көкъямыс ар клёнөдчö кор

Медым тільгун моз серамыд триньгö,
Мелi сérниыд чольгö кызд шор,
Мед шань съёлёмад жугыль оз инмыв,
Дас көкъямыс ар клёнөдчö кор.

Муса чепядьдыр жбыркнитiс, кадыд,
Ог нин сэкся моз киöдьыд кут.
Гажа, тешкодь и тёждтöм на радыд
Öнöдз шонтö и козыналö шуд.

Дерт жö, ставным сы пöрасьыс петлiм,
Тайöс вунöдны, нылук, оз позь,
Сэк ми шогсö эг казявлöй весиг,
Дурим, чöсмасиг, сёйим му оз.

Асшöр туй вылö, донаöй, петан,
Но оз кус мед лöз синъяссыд нюм,
Кыдзи мойдын тэ долыдлун пестан,
Югыд кёсйомыд збыльмас, оз вун.

Кöсся шудаён аддзыны тэнö,
Ог лëдз торкны ме томлунтö сидз:
Весь эн пырöдчы помкатöм венö,
Бур морт нимтö тэ синтö моз видз!

Медым тільгун моз серамыд триньгö,
Мелi сérниыд чольгö кызд шор,
Мед шань съёлёмад жугыль оз инмыв,
Дас көкъямыс ар клёнөдчö кор...



Снежана нучкалы ёти ар тыригкежлö

Ай-мам нывкалы мëдводдза во.
- Кодлён синъясыс, вом дорыс кодлён?
- Дзик нин мамыслён, айыслён..., мортлон..!
Сöмын, нучкаой, авъяён ло!

Нылыс, шулёны, айыс кодь кор,
Босытас шудлунсö, мывкыдсö сылысь...
Аддзас олёмас туйсö оз вылысь...
Быдмас мыш саяс енбия борд...

Мамас мунас кё – лоас кызд юсь,
Лоас мичаён, статяён, збойён,
Небыд съёлёмма, радейтысь ертён...
Ловнас, съёкыд кор, майбыр оз усь!



* * *

Миян мада, жаль, дзоляник морт,
Асья шонді моз ай-маммы колан,
Дыр мед шудаён му вылас олан,
Лоас мелён, мусаён горт!

Менам шань нучка, войтва кодь ныв,
Видз вай сөстёмён ассыыд бур нимтö,
Мед век ловбиыд быд мортлы инмö,
Йөзбэд съёлёмыд лоас пыр сыв!

Дзирида куслытём кодзулён ло,
Быдмы мывкыднад, тулыс моз збояв,
Аслад дед-баблысь томмодышт вояс,
Ачыд югыдлань петан туй корсь!



Ай му... Сикт... Олём...

Войвыв ю бок чужаніной,
Тэ кызд ыджыд тёжда мам.
Онёдз съёлёмой оз инась,
Муслун тэ дорö оз ям!

Вой,вой, тувсоввой –
Мусукасысьяслён чой.
Няша, шаньёй, вежабаной,
Радлун съёлёмъясö кой!

Озыр ягыд вердö, шонтö,
Видз выв быттьё небыд шöвк.
Вöр-ва жембö – морöс ёнтö,
Тöда, бурдан – артмас тöлк.

Жаль Печора меным мойдö:
«Йөзён дойдём слаб на лов,
Олём ытва ньёжий ойдö».
Сöдзмом юй нэмъяс ов!

Олан гажой, шоныд позойй,
Мича тэнад чужомбан.
Ловби руыд бара ловзьё,
Помёдз кута овны тан!

Чужанінай – мыла сылан,
Уджын, гажын век мед сюсь,
Мортлыс олём-вылём кылан,
Некор ловнад тэ он усь!

Мада сиктой, мыш сай бордой,
Козынав кокньодана вын,
Бурсо лёксыс повтог торйод,
Морёс кудыйд пыр мед пым!



* * *

Чужан кыв йылысь
Поль-почсянь миян кольём зарни козин...
Енбиён ёэтём кыв да войывын му.
Жаль чужанінай, муслун мевин восытін,
А сытог кывным быттю вужтём пу.
Шань, мыла сёрни миян зэв нин порысь,
Кыдз мудер шыр да катша йылысь майд,
Оз шыась сийд некод дінё скорысь,
Быд шогсян съёлём бурдодё, оз дойд.
Кыдз ай-мам муным ставлы мелі, дона,
И кодёс некор вунёдны оз туй,
Сідз чужан кыв ми радейтам зэв ёна,
Сы водзын восьса помтём паськыд туй.
Сөдз дзольган ёльлысь сёрни босытём горсо,
Вёр сетём колиптайлысь долыд шы,
Та вёсна кывным кыпыд гажён ворсо,
Кыдз тувсов гымлён медводз локтысь гы.
Ас чужан сёрни лышкыд, авъя, небыд,
Кыдз мамлён потандорса сыланкыв,
Кор суас съёкыд, съёлём сетас регыд:
И лолыд томмё, югдо ывлва выв.
Од Парма ключ кодь югыд, сөстём кывным,
Код Изъва бердса Туган сяма сюсь,
Век коло посылун съёллёлём бердысь кывны,
Кыдз чужан войывын тёдё винев юсь.
Мам кывыйн эмвой кыанымлон мичлун,
Код чуймодана дзиридысь сувтло лов,
Кыв тайё серпаслысь став рёмсө видзё
И сёрни сысысь любоджык оз ков.

* * *

Усть-Уса, моя милая Родина,
Над рекой, как из сказки краса.
Кругоюж живописностью трогает,
Удивляя, творя чудеса.

Из былины сошедшая, славная,
Здесь Печора в обнимку с Усой,
Точно с дочерью старшей поладила,
Вдохновляя людей на любовь.

Мне бы в детство сюда вновь вернуться,
Где косички все в бантах цветных,
Сарафанчик короткий из ситца...
И следы от моих ног босых.

До сих пор вкус оленины помнится:
Наш консервный завод выпускал,
Наяву несравненная лестница,
Где не раз пароходы встречал.

Моя юность осталась там школьная,
Над оврагом – отеческий дом,
Не забудется жизнь комсомольская,
Путь романтики многим знаком.

Над крестами, над милыми предками,
Где поют свои песни ветра,
Снова машет пурпурными ветками
Одинокая стражка – ольха.



Война кадся нянь

Сэк синъясын тшыглуныс ворсліс,
А лов шонтіс дёмаса гач,
Война кадё курыда воліс
Съёд няньторыйыс, съёкыда нач.

Ас пёжалом сора нянь кёрыш
Ок, юмолён кажитчис пыр,
Медколана, майдын кодь чоскыд,
Кор вом пытшакад няклялан дыр.

И онёдз на нянь кёрыс вомын,
Кöть колис нин сы мында кад,
Од кампеттысь любоджык лоліс
Сэк нянь шёрём, съёлёмой рад.

Ён гыён Победа лун локтіс,
Кор бёрдіс и нюмъяліс мам,
Шог синвасоң аньясылысь косытіс :
Од Ен кодь дзик вежа век нянь.

* * *

Тә веcтын, рам сиктой, қызыс ловзьё,
Алойгөрд нюмсерыс радлунён тыр,
Тәнад быд олысылы шудлуныс воссью,
Долыда чужомыс ломзьё мед пыр.

Жаль ния керөссяс сылённы гажа,
Енәжө ыстыны ма дука ру,
Быттьёкө корёны волыны важас,
Состом Печора кор визувтіс ю.

Тані ми чужлім, мед радейтны тэнё,
Мұслун пыр чөжим, мед бокө әз ну.
Ковмас кө, тә вөсна пырдчам венё,
Сылёмын нәм кәжлө колян, Айму.

Свет вылас быдёнлён ёти мам овлё,
Матыс ни мелідкык сыысь оз сюр,
Сідзи и чужанін мортыдлы колө,
Ёти дзик – шондібан, медмуса, бур!

* * *

Кор мада чужанінө волі
И кильчо помын нюмдас мам,
Сәк сылы енлысь кузь нәм корлі,
Мед висытөг, радліг олас тан.
Кык синма дзоля быдман позыйой
Век ёндоң паметтысь оз мун.
Вит чоя-воклон сылём доймө:
Войнаыс гүис айлысь нюм.
Мам ётнас қыскис олём додьсо,
Дзик некор норасыны әз мёд.
Ок мыта микөд пықис шогсө
И ставлы дасытіс кынёмпöt.
Көтү съокыдлуныс сюрліс-шедліс,
Но аслыс әз корсы шоныд сай.
Сәк уна мортлы отсөг сетліс,
Ми, челядь, шудын – помтөм пай!

Сёдз дёва нимсö помöдз нуис,
Дыр виччис: верöс воас бёр,
Мудз кинас вузёс паськом вурис,
Кöть суліс вой шёр, ки эз вöр...
Мам уджач, рудзалёма соя,
Быд чужём кöрас – миян мыж,
Яр томлун мырдисны сьёд вояс,
Эз вах моз нюклясь мудзём мыш.
Кор нюмъёвтас мам, ловби ѡзтас,
Од сийо миян олём вуж,
Ас сяянас вочас, мый кöть кöсъяс,
Но сёмын томмыны оз куж.
Вай пыддиpunktам жаль мам нимсö,
Мед некод вунёдны оз лысьт,
Век ен кодь вежа – ставлы инмö –
И талун, аски, нэмъяс мысьт!
А код нё ловсö ассыыс сетас
Ас ныв-пи вёсна – оз кё мам?
Кор сьёкыд – шонтас сьёлём бердас,
Но асёдз веськодь, кывтём, рам...
Кор чужан сиктысь медбёр мунi
И кильчö помын бёрдiс мам,
Ме морёс пытшын лов шы сувтлiс,
И тайё здуклон шог оз ям...



Усвавом

Кён Усва юкёд сывъясьё Печора,
И вавыс бытьё саридз – дор ни пом,
Крут нöрыс вылын дёввидзё дзик дорас
Жаль чужан места – менам Усвавом.

Кор Усва весьтын унзéль чöвтö шондi,
Быд ловъя ловлы ыстö мелi нюм,
Сэк сьёлём менам радла сывны пондö,
Кызд колип гажа дзользьёмысь он ум.

Се комын вит во юргё сылён нимыс –
Печора бердын тёдса коми сикт –
И кутшöм туйё кöсйёмой оз инмыв,
Бёр чужанiнö сьёлём кыскö дзик.

Тан дона челядьырой коли менам,
Оз вунны некор школазьсь дас во,
Ас коми муён сетём вынён венам
Зэв ылё кольём торъялёмлысь шог...

Ас чужан позлысь кутан тёдны донсо,
Кор морёс пыташсыд кывлан висян дой,
Эн тэрмась корсыны шуда олём помсо,
А нюжёд чужан мулань ассыд сой...



Няша

Мам-Печора бокын нюмдö
Ыдкыд важся Няша сикт,
Гуся думнас лача кутö:
Пуксяс лöссыд олём дзик.

Сиктним йылысь гажа сыылам,
Кутшöм чужанинным шань,
Сылысь шудсö асынным быдтам,
Миян долыд овны тан!

Муса Няша –'шондi баной,
Тэнад быдтас кён оз ков,
Сылён, мелi чужёмбаной,
Сöмын танi бордъя лов.

Олём мудзтöг водзö мунö,
Овлö гажтöм, сюрлö рад,
Сöмын некор нэм оз вунöд
Челядьдырсö, школа кад.

Кырыйыв школа ставлы матыс,
Сiёй бытьö зарни майд,
Мыйта водзö лэбзöй кадыс,
Сымда ёсьджык сьёлём дой.

Бурдкык олан места индöй,
Медым петас менам веж,
Дона Няша, юбок сиктöй,
Тэнö мёд вылö ог веж!

Сöвмы, сиктöй, нэмъяс югъяв,
Ассыд Парма сöдзён видз,
Уна авъя олысь чужкты,
Налён сямыс – тэнад мич.

Мада сиктöй, ылöдз нимав,
Тэысь, майбыр, гаж оз быр,
Кызд нö тэ динё он сибав,
Кор магнит моз кыскан пыр!

Печора ю – менам муслун

Печора-юйи, кыпыйд, уджач юйи,
Кызд майдысь петін – мича, том,
Важ коми сылан кодь пыр мелі, шаньйой,
Көтү помөдз он төд ассыыд дон.

Из гёра тэнё чужтіс шуда кадё
И сетіс чуймёдана вын,
Тэ югыд валы, эмбурылды радлў
Быд ловъя, кодлён морёс пым.

Тэ мейн пестін муслун вёр-ва дінё,
Сэн пöttöдз ловнам шойчча век,
Кызд писсö Айму, кыскан чужанінё,
Кён быдми, ворслі тэкёд сэз.

Лöнь пасъыд отсыыд, ок и любö овлö,
Син водзын бытьö рёмпöштан,
Жаль юйи, сёмын тэкёд сьолём ловъё,
Кор аддза дона чужёмбан!

Сöдз помтöм гажыд, лышкыд морт кодь сямыд,
Тэ олём пыкёд – мада мам!
Код киссö лептас медмусалы паныд,
Код дойдас тэнё, шондibан?!

Печора юйи, енж синма Аньйой,
Кызд майдысь петін – лёссыд, сюсь.
Тэ веcтын медвозд садымысь кыя, шаньйой,
Яр гöрдöн ворсо, кызд оз туcь!



Няша сиктöй гажаинын:
Ягсянь нюмдö кыдзда рас,
Жаль Печора шоныд киын
Чужанінöй сывны дась.

Юным веcтын асся кыя
Ваö видзöдчö кызд ныв,
Бия рёмъяс миян кыö,
Кызд нö ловруой оз сыв!

Сись кодь статя ния кыръяс,
Сöстöм, дзольгысь вёрса шор, –
Радлун воссью, лов кызд бордъя,
Муслун чужтö Парма гор.

Ю сай – съёлём сетьсь гажой,
Веж шёвк турун тыра видз,
Уна пёлөс дзоридз тані,
Синмёс ёрё гожся мич!

Вый пыр кыском асыв волас –
Сынёд юмов, бытъо ма,
Мелі кадыс мед оз помась,
Вотёс кисымё, лоас шань...



Шаньлун

Бур мортлон подулыс – сёстом, пось мывкыд, дерт,
Авъяён чужас кё – лёксё оз вёч,
Кодлыкё отсалас – ловруыс кыпыйджык,
Татшёмлы рад эсъё быд поль и поч.
Сиктсалысь морёс куд жалядза емтывлё,
Вёр-вакёд ёткодылун – помкаыс тан,
Тёдса: грезд войтырлон ийтёдис топыд на,
Ёсьджык пыр тёждыс, код түё, оз ям.
Съёлёмб поэтысъём шаньлуныс храм сяма,
Кён грека думъястю дзебны оз позь,
Мый кёть и сиктасяя кывсыёны рамджыкён,
Туй гөсьютёс войын оз эновтны, оз!
Пёшти быд керкаын Исуслон видзёдлас,
Эскёд пырысъёс: тані шань йоз,
Көзянин нянь-совсё, узянин вичмёдас,
Со мыйла лов сылён югыд и сёдз.
Лышкыдлун важдысянь Ен джаджий лэптысъё,
Ловва кодь колана, оз судзысы дон,
Ас сяянаш шаньлуныс ёткодь Ай мездысъёд,
Вузавны позьтём, век муса да ён.
Сиктасяяс морт нимсё вылын пыр кутёны,
Сёгласон олёны, оз тёдны вен,
Медбөръя эмбурнас орчакёд юксыёны:
Налы жар муслунсё козыналё Ен.



Школа кад йылысъ

Мыйта кёть бёрё шань вояс оз кольччины,
Съёлёмой муслунён тыр,
Школавын коллялём кад йылысъ помнитны
Кутамой, ёртъясой, дыр.

Кыр йылын сулалысь школалён мыгбрыс
Дум вылёт усылывлё пыр,
Ми көтү и важёнкодь лоимо' гырысьёсъ,
Челядьдыр гажлун оз быр.

Нэм джынся кадколаст тыртö од школаным,
Тöдчана ярьюгыд пас,
Быдён, код велöдчис, локталой долыда –
Ставлы сэн мestaыс дась.

Быдмандыр воясöй, кытчö нö колинныд?
Позьё кö, бергöдчöй бöр!
Тшötш кöсъя ме том кадö волыны,
Сьёлёмö радлун оз тöр.

Аддэзывны мёда зиль ичötдыр ёртъясöс,
Асыным кö бать-мам нин век,
Казытылам нюмсерён пышёйма вояссö,
Вильшасям-ворсам кызд сэк.

Локтö со велöдись важкодь сöдз мывкыда,
Кутлам вай сылысь пöсъ Ки,
Челядьлы сьёлёмсян козыналö кыпыда
Öнöдз на ыпъялан би.

Онiя велöдись, школатö радейт жö,
Вежёр и тöдöмлун чöж,
Медым эз ковмы нин лоёмсö жалитны
Кольбома вояссö чöж.



Школаса медбörъя вальс

Со помасис мойд сяма школаса кад,
Том морöсын розъялёт вёвлитöм муслун,
Кызд мелия нюмъялысь тувсовъя сад,
Сюсь енбия челядьдыр некор оз чусмы.

Шань коллялёт пöрыйс – быдёнлы жаль,
Ог вунöдöй ёртъяскöд гажöдчöм, ворсöм,
Дыр юргö мед миян тан медбörъя вальс,
Код шы улын сьёлёмъяс чеччöны ортсö.

Пыр казытывны кутам крут кырыйвса поз,
Кысык жбыркнитим бордаёсъ, нимкодьёсъ, збойёсъ,
Век радейтны кыпыда мамнымёс моз
Нэм куслытöм школалын велöдчан вояс.

Эг казялой, төвзис кызд дас ёти во,
И кольёма челядьдыр, бёрлань он бергёд;
Яр вунлытём кадыслы помыс оз во,
Код ловрутё лэптö да съёкыдсö венö.



Велёдысылы нимлунас

Сомын велёдысь ѿзъяна сямнас
Вермас, быттьёкё майдывса тун,
Вочны кызвысытём посниёс шаньён,
Некор съёкыдссыс бокё оз мун.
Арся нимлунас кынмавлём пельсь
Сылы козыналö чёсмасяント.
Визув бытаслы съёлёмсö сетьсь –
Сийб быдёнлы колана ёрт.
Съёлём кёсйёмнас пальёдö узысь
Челядь вежёрын тёдёмлун сер,
Дерт жö, петас нин быдторсö кужысь,
Веськодь – олёмас нинём оз кер.
Юр садь кёдзысыс лов вёсна тёждён
Сетны тёдёмлун быдмысылы дась,
Пöсълун морёсас олёмбыд чёжö –
Сийён ставыслы велёдысь ас.
Донсö нимыслысь тырвыйö вештас –
Ичёт войтырсыс петас кё тёлк,
Кодыр уна пöв ёнмасны этшинас –
Копыр муёдзыс сылы нин сэк!
Борда томлуныс пыста моз лэбзьё,
Морёс кудсыыс кёть муслун оз быр,
Ачыс корсюрё гусьённик шензьё,
Мыйла съёлёмыс шаньлунён тыр.
Гашкё, зонпосни казьтасны кёркё,
Кутшом лышкыдöсч чужлёны йöз,
Коди мёд вёсна тёждлунысь дзормё,
Сöдзтö мывкыдлун велёдигчёж.
Некор велёдысь нимыс оз чусмы,
Быдмысыс вежёрын югъялас мед.
Войыв кодзув моз ломзьё, оз куслы,
Ставлы колана: ёнi и век!



Евгений Александрович Игушевлы,
чужан кыв туюлышсылы

Ме коми морт, и та вёсна зэв долыд,
Мый мам кыв писькös туюлышсыс эм,
И морös кудыйн кыпавлывлö шоныд:
Од кывсö лелькуйтыхыс тёдса мен.

Наука йириг мудзлунсö эз веськёд,
Од чужан кывыйс – олём сылон, вёт,
Выль тёдёмлунъяс шедёдёмлы эскö,
И онöдз югыд кёсиймнас оз пёт.

Ас кадö коми кывыйс мэдтом доктор,
Эз вывтасылы, пыр дзик ай кодь шань,
Пым, лышкыд сьёлёмас эз ёшыв лёктör,
Зэв вежавидзыс, тёдö олём сям.

Кыдз озырмёдис рёдвуж муса кывсö,
Кок йылö.вёлдчыссысö лэптö уна сё,
Дась восьтны ставлы ассыс мелi сывсö,
Мед кыдъя сора сёрниным эз ло!

Мед бордъя, тэрыб пессьё сылон вежёр,
Од морös быыс туö и оз быр,
Оз вошлии нюмыс, бытьё восьса небёг,
Кöttя лыддыы, аддзан – меллуныс тыр!



Сьёлём сылысь

Валентина Есева паметтылы

Сьёд гёгрös тасьтi – репродуктор,
Мен вöзйö сылан – гажа, нор,
Ме думыс, кёсёй помтöм буртор
И лэптö лов-вир, дон оз кор.

Шань юрган гёлös сэтшом мелi,
Кыдз колип дзользьё асывводз,
То ягса шор моз чольгö весиг...,
Дерт, Енмён сетöм сылысь шоч.

Сэк Есевалён кодзув чужис,
Важ коми сыланкывлöн лов,
Быд сьёлём вöрзьёдны тай кужис,
Та вёсна, гашкё, дыр эз ов.

Сöдз йöз кост коми шылад видзис,
Код сылы вöлi сьёлём выв,
Вот майла кыпый сьылём виччи,
Кыдз мамлышь радейтана кыв.

Оз вунöд некор сiйös йöзыс,
Öд югыд сьыланногыс пым,
Ас морöс бердсыс муслун öзтiс –
Кысь сылы шедлiс сымда вын?!

Кор Есевалышь голёс кыла,
Пыр важ моз сьёлём петны дась,
Став сьёкыдлунсыс ловнам мынла,
Ань – сьылышь öнöдз медся ас!

Мед водзö сылён нимыс югзьö,
Век ышöдана сьылан гор,
Мед сы моз морöс бинас юксьö
Выль Андел – голёс садьмас кор!



Бырёны, вошёны грездъяс...

Тöлlyс чусмёдö кодзула енэж,
Пуксöм шойнаяс вылö сöдз тöв.
Кылан? Котралö «лов чукёр» вежмён,
Тыртöм керкаяс гёгрöдлö..., чёв!

Корö лэдзлны шонтысыны здук кёть,
Öдзös воссöмсö виччысö – дась.
Кыдз нö вöвсыны? Некытчö мунны...:
Гёгор эновтöм овмёслён пас.

Ньёти пон-каньлён шыяс оз кывны,
Шойтыс «лов чукёр» корсысö ин,
Сылы веськодь нин кадыслён гыдыс,
Сöмын тöдса пöс морт оланiн...

Кытчö вошёма ю бокса грездыс,
Мый нö майшöдлö «ловъяслыс» ин,
Грездлы воас-ö бырёмыс мездлун?
Сылён лыдыс мед содас, оз чин!



Бёр ловзъёны вичкояс...

Тшап юрныссо лэптёны мэздмём рам вичкояс,
Лек воясыс найёс дыр мыжтёгыс личкисны,
Но Енлы пось эскомыс бергёдчö бёр,
Дась петкёдны морт ловсыыс курдыштём кёр.

Од эм кёні йозыслы съёлёмсö кокньёдны,
Став югыд кёсйёмсö Ен водзын могмёдны,
Ас лов пытшкыс ректыны чукёрмём грек,
Морт олёмын быдёнлы бурсины век.

Тась пöрыссыс корсысысö вошлöма лачасö,
Юрбитиг, кевмысиг, енбисö аддзас жö,
Съёкыдсö венигён, том ловнас оз усь,
Кор веськалас морёсас эскомлён тусь.

Стрёг шлем – зарни куполыс вичколён ломалö,
Дзик быттьёк ас дïнас Ен ногыс коралö,
Век шонтас и бурдёдас мудзёма лов,
А мёд могысь йозыслы сïйö оз ков.

Шань храм дорö туйыс мед паськалö, тюралö,
Быд эскысылён муслуныс кодлыкё колана,
Мед корсысысö аддзё Ен матиса ин,
Оз кёдзав морт съёлёмын лов оланин.

Бать Исуслён туйыс, му олысылён – ас сяма,
Од öтилён кытшалö, йизьёма, вазьёма,
А мёдлён и веськыд, и, майбыр, оз ор,
Важ кадыскöд йитö зель жыннянлён гор.

Кор сикт весьтын тонгёны нор, мелі шыясыс,
Тадз ыстёны быттьё жаль эскодан кывъяссö,
Мед палялö кодлёнкё майшасыс лов,
Да вичкоё висьтасыны локны оз пов!



Юриндöд

Ар бара кисьтö пуяс вылысъ кор.....	5
Арся расын.....	5
Катшасинъяс.....	6
Бара со турияс лунвылö лэбёны.....	7
Арся серпас.....	7
Ме кö вöлi.....	8
Сёр арын.....	8
Тöвшöрса войын	9
Тöвся вöрлён серпас.....	10
Лэбалысъ лольс мен медся жаль	10
Бырёдъяс со ляпкалöны, кышöд.....	11
Лымсо йикöд кöрт моз дорлö.....	12
Кор öкмысöд май луныс волö.....	12
Тулыс локтö.....	12
Видзö пыран лунö гаж.....	13
Сёrmöм тулыс.....	14
Гожся мёвпъяс.....	14
Ме кö вöлi.....	15
Муса гöтырлы (съёлём жальёй...).	15
Том нывлöн съёлёмыс долыдсыыс сывлывлö.....	16
Мыйла нö муслунö ытва моз ойдлывлö.....	17
Крут нёрыс-поз, кёni ми тэкöд.....	17
Мед муслун оз бырлы.....	18
Мыйла нö шызыбома ывлла.....	19
Мед тэ, пиö, мортон лоин.....	20
Дас кöкъямыс ар клёндчö кор.....	21
Снежана нучкалы öти ар тыригкежлö.....	21
Миян мада, жаль, дзоляник морт.....	22
Войывю ю бок чужанинöй.....	22
Чужан кыв йылысъ.....	23
Усть-Уса, моя милая Родина.....	24
Война кадся нянь.....	24
Тэ весьтын, рам сиктöй, кыаыс ловзöй.....	25
Кор мада чужанинö волi.....	25
Усвавом.....	26
Няша	27
Печора ю – менам муслун.....	28
Няша сиктöй гажаинын.....	28
Шаньлун.....	29
Школа кад йылысъ.....	29
Школаса медбörяя вальс.....	30
Велöдьысылы нимлунас	31
Ме коми морт, и та вöсна зэв долыд.....	32
Съёлём сылысъ	32
Бырёны, вошёны грездъяс.....	33
Бёр ловзöёны вичкояс.....	34

Семяшкин Михаил Степанович

Ар бара кисътö пүяс вылысъ кор...

Кывбур чукёр

Технический редактор Макарова И.В.

Оригинал-макет подготовлен в редакционно-издательском отделе ГОУ ДПО КРИРОиПК

Подписано в печать 03.08.2007.

Бумага офсет. Формат 60x84/16. Гарнитура Arial.

Тираж 50. Заказ № 90.

Отпечатано на участке оперативной полиграфии ГОУ ДПО КРИРОиПК.
167000. г.Сыктывкар, ул.Орджоникидзе, 23. Тел.. 20-35-23.

МБУК "Ижемская МБС"



На обложке: р. Печора. Фото А.М. Семяшкина